

# **КОМСОМОЛОНЬ ВАЙГЯЛЬ**

Сембе масторонь пролетариятне, пуромода маре!

ЛИСЕНЬДИ V-це КИЗОСЬ

Мокшэрзянь ВЛКСМ-нь  
обкомть и Саранскяень  
горкомть газетасна

Адресс: г. Саранск, ул. Ленина 11,  
телефон № 1—72.

И Ю Л Ь Т Ь  
20-ЦЕ ШИСТОНЗА  
1937 КИЗОНЯ  
79 (453)

— Лисеньди ковти 12-кетъ.

## **ВКП(б)-нь Центральной Комитетти СТАЛИН ялгати**

Кельгема Сталин ялгасы! Москва—Волга каналть нолдамань исторический шистонза Московский советонь торжественный заседаниесь Москувонь трудяйхнень и каналть строителензонлемста кучси Тондеть седи ваксонь паравал и седи ваксонь поздравления минь великий эпоханькень тя замечательной памятником аделаманц шовор, конад тийф Тонь инициативацень коряс и Тонь непосредственной руководствацень ала.

Москва—Волга каналсь знаменует эсь эздонза Ленинонь—Сталинонь партиять генеральной линияц од блестящий победанц, няфнесы сембе мирти советский стройть мощени и несокрушимостени, социализмань тевти кели трудяй массатнень безграничной доверияснон и преданностьснон.

Минь каналоньке кармай эряма векнень эса, кода социализмать символц, кода ломанть колга величайшай Сталинский заботать выраженияц. Металлонь эрь кусокса, эрь плотинаса, каналть эрь шлюзасонза путф минь социалистический трудоньке, минь энергияньке, Ленинонь—Сталинонь партияти минь кельгемадьке и преданностьньке, минь тюреманыке од ломанть инкса, коммунистический обществать инкса.

Каналть строяманц успешнайста аделаманц марта социализмань странать столицац ареляф ведьфема шить эзда. Воднай транспортсь нингя сяда кеместа сотозе сонь минь павазу родинанькень необъянай просторонзон марта.

Тяфтама прекраснай сооружениять, кода Москва—Волга каналсь, минь могли строямс аныцек Сталинский пятилеткатнень победаснон вельде, конат шарфтозь СССР-ть высокой индустриянь, передовой техникань странац.

Ня победатнень партиясь сатозень народонь врагтнень каршес тюремаса, тапамок фашизмать агентуранц—троцкистско-правый шпионтнень, диверсантнень, убийцатнень и синь подлай приспешникснон. Большевицкий партиять кемя кядец и ингельпаялига кармай народонь сембе врагтнень коряньснон таргсема!

Москва—Волга каналть нолдамац совпадает Советский Союзонь геройть Громов, Юмашев и Данилин ялгатнень Москуста Американь Соединенной Штаттненьди грандиозной перелетснон блестящайста аделаманц марта.

Советский авиациять победац и мирса величайшай речной каналть аделаманц ашихть прекраснай подаркакс великий социалистический революциять комозьце годовщинацты.

Ня выдающей событиятне панжсихть од глава ломанть ширьде природать покориндамань историясь и няфнесазь сембе мирти, кода-ма подвигтненьди способнай раскрепощеннай народсь, кона воспитандаф большевицкий партиять ширьде, вдохновеннай Марксонь—Энгельсонь—Ленинонь—Сталинонь великий ученияснон марта.

Праздновандамок каналть открытияц, минь мяляфтсаськ, кельгема Сталин ялгасы, што минь ингельнок ашихть нинге сяда оцю задачат. И минь заверяндакшнетьдязь Тонь, што карматама нинге сяда оцю упорстваса и большевицкий настойчивостьса тюремья Москуть социалистический реконструкцияц инкса, Тонь ширьдет начертаннай планть успешнайста эряфс йотафтоманц инкса, минь родинанькень могуществанц кемекстаманц инкса, сонь гражданонзон павазу, зажиточнай эряфснон инкса, сембе мирса коммунизмать победанц инкса.

Шумбра улеса социализмань великий победатнень инициаторсна и вдохновительсна, минь кельгема учительньке, вожденьке, другоньке—СТАЛИН ялгасы, конань руководстванц марта сясыкс социализмась минь странасонк и сясыки сембе мирса!

## **Родинанькень границанза ульсть и улихть неприступнайхть**


Лемдяй велень „Од-ки“ колхозса займать нолдаманцты лемтьф митингса кортасы Перфильев ялгасы. Сон цебарьста азондозе оборонань займать значенияц.

Митингса кортасть лама колхозникт, конат азозь, што кафта-колма неделань заработкаснот макссазь государствати оборонать кемекстаманцты.

Тяка жа пинкть 78 колхозникт

сьормадфтсть 15 и 25 цалковаень пиньнес кажнайсь, а колхозниксь Белов ялгасы сьормадфтсь 50 цалковайсь. Сон кортасы: „нолдаф займась нинге сядонга пяк кемекстасы минь странанькень мощени, сонь границанза ульсть и кармайхть улема неприступнайкс. Колхозникне дружнайста сьормадфнихть СССР-нь оборонань кемекстамань займати.“

Д. Юр.



Июль 12-це шистонза Москуса Краснай площадса ульсь Всесоюзной физкультурной парад, кона посвященный Великой пролетарской революция 20-це кизонцы и Сталинский Конституция примаманцты.

СНИМКАСА: Мовзолейть трибунаса партиять и правительствать руководителенза (види ширьде кяржи шири): Ежов, Молотов, Калинин, Сталин, Микоян, Ворошилов, Жданов, Димитров, Андреев, Л. М. Каганович и Хрущев ялгатне.

### **Н. И. ЕЖОВ ЯЛГАТЬ ЛЕНИНОНЬ ОРДЕНСА КАЗЕМАНЦ КОЛГА**

СССР-нь Центральной Исполнительной  
Комитетть путфксозь

СССР-нь Центральной Исполнительной Комитетсь путнесы: Правительственной заданиятнень пашкедемаса НКВД-нь органтиень лангса руководствань тевса лама сатфксонкса каземс Н. И. Ежов ялгать Ленинонь орденса.

СССР-нь Союзонь Центральной Исполнительной Комитетть председателец—М. КАЛИНИН.

СССР-нь Союзонь Центральной Исполнительной Комитетть секретарец—А. ГОРКИН.

Моску, Кремля.  
1937 кизоня июль 17-це шистонза.

## **СССР-нь ТРУДЯЙХНЕ ПРИВЕТСТВОВАНДАКШНЕСАЗЬ ЛЕНИНОНЬ ОРДЕНСА Н. И. ЕЖОВ ЯЛГАТЬ КАЗЕМАНЦ**

Советский правительствась путозе каземс СССР-нь Внутренний тевень Народнай Комиссартъ, Государственной безопасностень генеральной Комиссартъ Н. И. Ежов ялгать правительственной заданиятнень пашкедеманкса НКВД-нь органтиень лангса руководствань тевса выдающей успехонкса Ленинонь орденса.

Величайшай удовлетворениянь чувства марта васьфтезь СССР-нь трудяйхне правительствать путфксонц. Эсь резолюцияснон эса трудяйхне седи вакса поздравляють великий Сталинть славнай соратниконц, славнай чекисттнень боевой руководителеснон Ежов ялгать высококой и достойнай награда марта.

Восторг марта васьфтезь Ежов ялгать каземанц колга кулять Московский Электрокомбинатонь рабочайхне. „Партиясь и правительствась,—кортави рабочайхнень резолюциясост,—достойнайста оценили тонь заслугатнень беспощаднайста тюреманкса фашизмать агентуранц—троцкисттнень, бухаринецнень, народть и сембе трудовой человечествать наизлейшай врагонзон эзда минь странанькень араптоманц инкса. Минь карматама тонафнема тоньцот, Ежов ялгасы, большевицкий, Сталинский бдительностьи и лездтама тейть народть сембе врагонзон педа-пескорянке таргсемаснон инкса ингольпаяльден тюремаса“. ТАСС).

### **Сьормадфтыхть займати**

Атюрьева. Одс организована-даф Атюрьевский районца, СССР-нь оборонань кемекстамань займась распространяндаф 133 тьожань цалковайс. 8 тьожань цалковайс сьормадфтсть Партизанский МТС-нь рабочайхне и служащайхне. Ламоц сьормадфтсть коновь зарплатаснон лангс.

Темникова. 58 тьожань цалковайс распространяндаф займа районца колхозникнень йоткова. Сембе районть эзда сьормадфтомась пачкодсь 342 тьожань цалковайс.

(МТАСС).



# Комсомольский органтень отчетснон и выборснон установленной порядкаснон и нарушенияснон колга

## ВЛКСМ-нь Центральной Комитетть путфксон

ВЛКСМ-нь Центральной комитетсь отмечает, што комсомольский органтень эса ВЛКСМ-нь комсомольский ЦК-ть инструкциянц коряс отчеттень и выборхень йотафтомста лама организациява тиеньдихть прямой нарушения и нолнихть тяфтама афсатыксы.

1. Лама вастова совершенно аф удовлетворительнайста йотафневи отчетно-выборнай пуромкстень терьдемаснонды анокламась пуромксть шинь, вастонц и частонц колга комсомолецненьди эсь пингстонза аф азондкшневи. Предварительно ВЛКСМ-нь ЦК-ть мекпальдень пленумонц решениянзон и материалонзон марта аф знакомдакшневи.

Сяс аф сембе комсомолецне пуромкшнихть пуромксу.

Комсомолецнень калдяв яваснон сюнеда пуромксьне ульсь сязьфть вагоннай заводса и Вагжановть лемса фабрикаса, Калинин ошса Трехгорнай мануфактура и омбоде Московский Мединститутса, а Москву ошен васеньце Мединститутонь комсомольский организацияса отчетно-выборна пуромксьса комсомолецнень калдяв яваснон сюнеда сязеньдевьс кафксть.

Чувашияса явно неудовлетворительнай анокламать сюнеда васеньце жа шиня ульсь сязьф 36 отчетно-выборнай пуромксь.

2. Лама организациява комитеттень отчетснон обсужденияснон пингста прениятне йотнихть аф пях сери идейно-политический уровеньса. Выступлениятнень эса главным образом преобладают второстепеннай кизефксне. И йофси аф удовлетворительнайста, должнай политический остротафтома йотнихть тяниень пингть комсомолть работасонза главнай кизефкснень обсуждения—классовой бдительности повышения, комсомолста двурешникнень разоблачандама на, комсомолецнень и одломаньтнень политический воспитаниян организандамань тевьс.

Ерославский областсьа Константиновский заводса комсомолецнень пуромксьса совершенно ульсь йотаф вакса народонь врагтень контрреволюционной вредительский работаснон колга кизефкссь, конат ульсь разоблаченнайхть последний пингть заводса. Сякось жа ульсь Азербайджанский государственнай университетонь и Азербайджанский наукань Академиянь фелиальт пуромксьса. Молотовть лемса заводса (Дальневосточнай крайса) пуромксьса совершенно мезевек апак кортаколь комсомольский организацияцять политический работан оцю провалхень колга, бдительность притуплениянц колга, снярда кода инь оцю мьяль ульсь шарффтф „Краснай крестонь“ обществать работансты, лотереян билетонь распространениян и стак тов.

Кой-кона организациятнень эса политический беспечность пачкедьс ся видес, што Украинский академиянь (Киев) комсомолецнень пуромксьса счетнай комиссиян предсателькс ульсь кочкаф народонь враг, разоблаченнай пуромкста меле.

3. Лама случайса нарушандакшневи закрытай (тайнай) голосованиян порядкас, конач установленнай ЦК-нь инструкциян коряс.

а) Закрытай (тайнай) голосованиян йотафтомда инголе ВЛКСМ-ть ЦК-ть инструкциянц аф моравневи и аф азондкшневи, мезень сюнеда комсомолецне аф содасазь кода примамс участия голосования (Башкирия, Северная область).

б) Ограничивается кандидатурань количествас, конатнень ингса можна голосовандамс закрытай (тайнай) голосованиян йотафтомань пингста. Улихть нльня факт, мзярда закрытай (тайнай) голосованиян спискас лувондови аф действительнайкс анычек сяс, што кандидатурань количествас, конат кадовсь спискати, несовпадают комитетонь члентнень числаснонды, конань путе пуромксьс (Убинская средняя школа—Западной сибирь, Каргопольский район Челябинский область).

в) Голосованияса участиян примам нолневихть ВЛКСМ-нь членкс кандидаттне, а башка организациятнень эса, кепетьксонди, Сталинградский областсьа Березовский районса и Киевский областсьа Черкасский районса, тевьс пачкедьс тов, што ВЛКСМ-нь членкс кандидаттне ульсь кочкафт комсомолонь комитетонь членкс.

г) Избирательнай спискатненьди путневихть номерхт (Одесская область).

д) Афправильнайста йотафневихть счетнай комиссиятнень работасна. Аф ваномок ЦК-ть инструкциянц лангс, голосованиян подсчета примсихть участия райкомонь представительхне и лия ялгаттне, конат апак кочкафт счетнай комиссиян составс (Ленинградский область Вашкинский районца, Иваново ошень 56 це школа-са).

е) Аф ваномок ЦК-ть инструкциянц лангс ящиконь васте избирательнай спискатне нолневихть панжада карзинас, вазьс, кяскавняс

и стак тов, (Куйбышевский область Чапаевский районца, Азербайджанса Таузский районса).

Сембе нят нарушениятне мушендсть васта сяс, што вьре азф организациятнень обкомсна и крайкомсна отчетно-выбороннай пуромксьснень йотафтомаснон марта не руководили, тевьс кадозь эсьотям молеме.

Обкомтне, крайкомтне и нацреспубликань комсомолонь ЦК-тне, ГК-тне и РК-тне эсь комсомольский организациясост отчетно-выборнай пуромксьснень йотафтомаснон колга ашетьс организанда информация.

Отчетно-выборнай пуромксьснень йотафтомаснонды лездом комитетонь представительхнень якайхть аф лама первичнай организацияс, да и то аф лама нинге (3—5 шт).

Естественно, што информациян аф улемать сюнеда вастова якамста гостролерствать мольфнеманц пингста обкомтне, крайкомтне и нацреспубликань комсомолонь ЦК-тне ГК-тне и РК-тне оказались виyфтемкс, штоба эсь пингстонза петемс комсомольский организациятнень эса отчеттень и выборхень порядкаснон нарушандамснон.

ВЛКСМ-нь ЦК-сь мярьгенди сембе обкомтненьди, крайкомтненьди и нацреспубликань комсомолонь ЦК-тненьди сядя тов отчетно-выборнай кампаниян йотафтомста машфтомс азф афсатыкснень и йотафтомс омбоцеда пуромкстоса, коса нолдафт нарушениян ВЛКСМ-нь ЦК-ть инструкциянсты.

ВЛКСМ-нь ЦК-сь веши сембе обкомтнень, крайкомтнень и нацреспубликань комсомолонь ЦК-тнень ширьде комсомольский организациятнень эса отчеттень и выборхень эса руководствать кореннойста цебарьгафтоманц.

Сявф „Комсомольский правдася“.

## Выборнай пуромксьснень йотафтомста таргаме лангти сембе афсатыкснень

Ламоц комсомольский руководителхне тячиень шить самс нинге ашеть шарькедь ВЛКСМ-нь ЦК-ть III-це пленумонц решениянзон. Тя няеви тяста, што Ковылкинань районца лама организациява отчетно-выборнай пуромксьснень йотнихть лафчста и аф большевистский критика марта. А раз критика и самокритика пуромксьса аш, то народонь врагтне и жуликне эсь пряснон кяшендсазь комсомолецнень йоткса.

Ковылкинань ВЛКСМ-нь райкомть эса бюронь членкс ульсь Сиротинсь. Со работась комсорокс потребсозонь организацияса. Сиротинць кодамовок работа ашеть вьате комсомольский организацияса, а наоборот, пашкедькшнесь жуликнень—Ивановть и Орловть указанияснон. Межрайбазань складса работась народонь врагть Евлюковть шуренец Моисеевсь, конач эсь работанц пингста растратендась 25000 цалковаень питье товархт. Тяда башка, Сиротинць кафта кизот кирьхень складонь чердакса прдаф ящик парфюмерия 500 ц. питье и киньдинь мезевек ашеть азондкшне.

Сиротинць ульсь ярай пособник жуликненьди и критикань за-

жимщикокс. Сон новлясь салава складста товархт народонь врагть Евлюковть аванцты. Но мзярда комсомолкась Южанина ялгась теенза замечания, если мол кармат тяфта нолеме товархт, то мон тяштин тонь колгат газетас. Сиротинць эстакиге макссь Южанинати реплика: если тон сьормат монь колган газетав, то сян эзда товарооборотсь аф пашкеди, а тейть меле аф карман новляма кодамовок товар. Вов кода работась Сиротинць. А Ковылкинань ВЛКСМ-нь райкомть секретарец Имайкин ялгась ашезень ний сонь действиянзон и тячиень шить самс сонь кирьдес ВЛКСМ-нь Райкомонь бюронь членкс. И анычек сярда, мзярда мольтс Ковылкинав ВЛКСМ-нь обкомть представителенза эста ульсь путф кизефкс Сиротинць колга ВЛКСМ-нь райкомть бюроса. Тя бюроса сонь валхтозь ВЛКСМ-нь райкомста членкс вастста и панезь комсомолста.

Мокшэрзянь ВЛКСМ-нь обкомти эриви шарфтомс оцю мьяль Ковылкинань комсомольский организациян ширес, сяс мес тоса пях лама оцю афсатыкста.

П. Е.



СНИМКАСА: Республиканский армиян од командирхень эзда фкя командир, конат тюрхить Мадридский фронтса. Фотохь Союзфотонь.

## Выборхне йотнихть оцю нарушения марта

Ковылкинань ВЛКСМ-нь райкомсь комсомолса выборхнень цебарьста йотафтомаснонды лездсь лафчста. Комитетонь секретарьхнень, комсорогень и районнай комсомольский активь марта работа ашеть мольфтя. Аф стак и ламоц райкомонь представительхне организациява выборхнень йотафтомаснон пингста якасть анычек гастролировандама, кодамовок лезкс комитетонь секретарьхненьди и комсортненьди выборхненьди цебарьста йотафтомаснонды ашеть макссе.

Заготзернонь организацияса выборхнень йотафтомаснон пингста ульсь грубай нарушениян. Ламоц комсомолецне выборнай пуромксьсасть билетфтома, комсомолецне нолневсть пуромксьс билетфтома.

Критикась и самокритикась ульсь лафча, райкомть работанц пятай ашеть критикованда.

Райкомсь тя организациян кодамовок мьяль ашеть шарфне. Райкомсь содазе, што тя организация 7 кофт ашеть йотафнев политзанятиян, ашель пропагандист. Райкомть полит тонафнемань отделонц заведующаец Ястребцев ялгась максесь анычек обещаниян.

К. С. Ф.

## Выборхненьди аф аноклайхть

Тяддень кизоть минь организациясонок комсомольский политшколась пятай ашеть работа. Ламоц комсомолецнень йоткста газетат и художественнай литературат аф моравнихть.

ВЛКСМ-нь ЦК-ть III-це пленумонц решениянзон и Косарев ялгать докладонц ашесь тонафне, выборхненьди кодамовок работа аф вьатеви.

Эриви азомс, што выборхне тяса улихть йотаффт формальнойста.

ВЛКСМ-нь райкомти эриви шарфтомс мьяль тя организациян работанц лангс.

Чалдаев.  
Шайговань р-н, Сарга веле.



## Выборхне йотасть отчетфтома

Оцю Брлавонь велень колхознай организацияса 7 комсомолецт.

Выборхне тя организацияса йотасть оцю нарушения марта.

Комсомолецне отчетно-выборнай пуромксть шинц и востонц ашезь сода; тянь сюнеда пуромксса ульсь аныцек 5 комсомолецт. Нльня соньць комсоргсь Кузнецов ялгась мезевек ашезь сода пуромксть колга.

Райкомонь председателсь Исламкин ялгась июльть 11-це шистонза, илять сась Бурлав вели, молема пачк кочкась 5 комсомолецт и комсоргфтома йотафтозе отчетно-выборнай пуромксть.

Тя грубай нарушениянь лангс эряви шарфтомс оцю мяль сембе комсомольский организациятненьди и комсомолонь работникненьди.

Комсомолец.

Пурдашенский р-н.

## Ашель критика и самокритика

Панжевсь отчетно — выборнай пуромксь. Комсоргсь кафта обидай валхт эсь работанц колга азсь и тяньонь марта аделазе отчетонц.

Йотась 20-шка минута, а выступайщай фкявок аш. Мезе тевсь? — пшкядьсь райкомонь представителсь Чаканов ялгась — „Знак молчания, есть знак согласия“ отвечае комсоргсь Пакайкин ялгась.

„Аш кода аф согласиндамс тя отчет марта“, сяс мес азф нюрхкяняста и толкфтома.

Тевсь тоса, што тя организацияса критикась ульсь люпштаф. Комсомолецненьди, марстонь пуромкс-

са Пакайкин ялгась ашезь макссвал критиковандамс сонь бюрократизманц и администрированиянц.

Тяда башка отчетнай пуромксти кодамовок анокламань работа ашезь йотафнев. Комсомолецне ЦК-ть III-це пленумонц ашезь обсуждандакшне.

Отчетно-выборнай пуромксь йотась скучнайста, критикафтома и самокритикафтома.

Тремаскин.

Любимкин.

Кавылкина р-н, Ежка веле.

## ВЫБОРХНЕ ЙОТАСТЬ ФОРМАЛЬНАИСТА

МТС-нь комсомольский организацияса выборхне йотасть формально, неорганизованно.

Комсомолецне отчетно-выборнай пуромксть шинц и востонц содазь аныцек сярда, мзярда ульсь йотафтф пуромксь. Тянь сюнеда пуромксу сась 11 комсомолецт, а эриволь самс 18 комсомолецненьди.

Комсомолецне комитетть аф сатыксонзон сатомшка ашезь критикованда. Синь критикасна сводилась хозяйственной кизефиксненьди.

Политико-воспитательнай работать и революционной бдительность колга пцтай фкявек комсомолец ашезь корта. А тя органи-

зацияса лама пингс комсомольский политшколас ашезь работа.

Закрытай (тайнай) голосованияда инголе выборхнень йотафтомасон колга ЦК-ть инструкциянц лувозе афсчегнай комиссиясь а парторгсь, конанц ашельхть тя тевть йотафтоманцты кодамовок основаниянза.

Райкомть бюроц МТС-са выборхнень йотафтомасонды ванц безответственныйс а. Сянь вастс, чтоба бюроса тиэмс тя организацияса выборхнень эзда выводт, бюрось воздержался сонь одукс йотафтоманцты.

М. С.

## Филатовсь безответственной комсорг

Кучиняево велень ПСШ-са работай комсоргокс и пионервожатайкс Филатов ялгась, но сон тячит самс афсодасыне ВЛКСМ-нь ЦК-ть III-це пленумонц рещениянзон и Косарев ялгать докладонц.

Филатовсь, сянь вастс, штоба седивакса работамс комсомолецнень йоткса и лацкас синь знакомандамс ВЛКСМ-нь ЦК-ть III-це пленумонц рещениянзон марта, сон кармасть общественнай тевть эзда кяшендьема. Тя нйиви тоста, што июль ковть 8-це шистонза парторгсь Головин ялгась шинь — пёрф вешенць Филатовть эса, штоба йотафтомс комсомолецнень йоткса выборнай марстонь пуромкс, но сон коданга ашезь мув. Филатов ялгась тя тевть из-зэ лув

важный политический задачка али проста повсь мелкобуржуазнай, мещанский стихиять влиянианцты.

Филатовсь последний времать кармасть разлогаться. Сянь вастс, штоба июльть 8-це шистонза йотафтомс марстонь пуромкс, сон школьной работникть Дугушкинть марта кармасть симоньдема винада и ульцать кувалмо якасть сяшкава ирещта, што пильге лангса чуть кирьдихть.

Ардатовский ВЛКСМ-нь райкомти эряви шарфтомс оцю мяль Кучиняевский комсомольский организациять ширес и пьяниций комсоргть, Филатовть валхтомс работаста и панемс комсомолста.

Милкин.

Ардатовань р-н

## Критикась ульсь вишке

Комитетонь секретарьть отчет тонза меле комсомолецне кармасть кортама пренияса.

Кевкие выступающай комсомолецне лифтезь лангти ВЛКСМ-нь райкомть сембе безобразиянзон и комитетть работанц аф атыксонзон.

Комитетсь шуроста кулхценкшезень комсомолецнень самоотчетсон. Тянь сюнеда лама комсомолец политшколаса тонафнесь формальнайста, эсь лангсост ашесть работа.

Кодамовок мяль тячимс ашезь шарфнев аф союзнай одломаньт-

нень лангс. Докладт, беседат йотксост ашесть йотафнев, политшколас ашесть терьнев.

Райкомонь работникт 1937-кизоня тя организацияса ашельхть, райкомсь аперативнай лезксть вастсь руководил кабинета телефон вельде.

Од комитетонь составти кочкафт выдерженнай комсомолецт, Комитетонь секретарькс закрытай (тайнай) голосованияса кочкаф Алешин ялгась.

Е. А.

Рыбкинань р-н, Малав веле.

## Оцю мяльса сьормадфтыхть оборонань займати

Насакинань вельсобретса тячиень шити самс оборонань займада распространеннай 7950 цалковайхть.

Колхозниксь Кубешев ялгась сьормадфтьс 80 цалковайс.

\* \*

Д. Усад велеса оборонань займада распространеннай 5750 цалковайхть.

Колхозниксь Бурдачев ялгась сьормадфтьс займати 100 цалковайхть.

Рюков.

Торьбеевань район.

\* \*

Республиканский пионер вожатаень школаса курсантне оцю мяльса сьормадфтыхть оборонань займати.

Багданов, Варкина и лия лама курсантне сьормадфтьс оборонань займати 70 цалковайс. Оборонань займати сьормадфтьс сембе курсантне.

Морозкин.

Саранск ош.

\* \*

Шубриков ялгать лемса колхозса од стирьнятнень йоткса ульсь йотафтф оборонань займать значениянц колга беседа.

Стирнятне азсть павазу эряфть ингса оцю спасибо Сталин ялгати.

Беседада меле сембе оцю мяльса сьормадфтьс оборонань займати.

А.

Ковылкина район Самодуровка веле.

\* \*

Буденнай ялгать лемса колхозса сембе колхозникне оцю мяльса сьормадфтыхть оборонань займати.

Колхозниксь Мартов ялгась сьормадфтьс оборонань займати 75 цалковайс.

Сьормадфтомась нинге моли.

Г.

Шайговань район Теризморга веле.


\* \*

„17 лет октября“ колхозса, колхозникнень йоткса моли оборонань займать значениянц колга оцю разъяснительнай работа. Йотафнихть беседат, читкат и ст. тов.

Тя работась макссь оцю лезкс кохозникненьди и займать распространениянцты. Васеньце беседать пингста колхозникне сьормадфтьс оборонань займати 700 цалковайс.

Г. Д.

Шайговань район.



Испанский зодчестань исторический памятникне, конатнень срафтозь фашистский мятежникине и германо итальянский интервентне.

СНИМКАСА: Пуэрта-дель-соль. Толедаса средневековой ортанне.

Репрокцидуясь ТРОЯНОВСКИЙТЬ. (Союзфото).



## ИСПАНИЯСА ФРОНТНЕНЬ ЭЗГА

### Центральной фронтс

Мадридста Гавас агентствас пачфни, што Вильянуэва дель Пардильо районса июль 16-це шистонза мятежникине шиньберф аф вестень крда тяряфность атаквандамс республиканский позициянень. Атакатнень тиёмста лездсть танкатне. Республиканский частне сембе атакатнень сатфкс марта отбили.

Испанский оборонань министрствать сводканц коряс, июль 15-це шинь карца веть мятежникине вюста бомбардировали Вильяфранка дель Кастильот районса республиканецнень позицияснон. Шиньберф мятежникине тиендсть яростнай, но безуспешнай атакат сяка-жа районса и кандсть оцю юмафкс. Республиканский артиллериясь машфть арсенал, кона ащесь Вильяфранко дель Кастильот районса. Кода неяссь, арсеналса ламоль военной снаряженияда, ся мес взрывтве мольсть 20 минутт.

Эспань агенствань Мадридский корреспондентсь азонды боень кой-кодама подробность, конат вишжомсть Мадридский фронтть северо-западной участка. Корреспондентть валонзон коряс бойхне (отличались) упорна характер марта. Республиканский пехотась получамок авиациять ширьде лезкс, пакшень пакшень заньцесть территориять эса, конань мятежникине кемекс, незь сембе синь уликс средстваснон марта. Мятежникине пуроптсть тя районти стая-жа лама войскада и лама военной снаряженияда. Сембе сяка республиканский войскактне голы шаштыхть инголи.

Сосенать района мекедьдень венс веньберф вю ружейнай и пулеметнай перестрелка.

Мадридста „Танть“ корреспондентонц сообщенианц коряс июль 16-це шистонза шовдава мятежникинень батареясь, кона ащи Мадридть эзда запад шири, частошка обстреливал Мадридть. Улихть раненайхть.

Фебус агенствать пачфнеманц коряс республиканский войскактне шаштсть фкя километр вастс Мас Росас веленять, направлениас и ащихть тани тя веленяти сувама кить лангса.

Сосена веленять секторса мятежникине тисть атака республиканский позициятнень лангс, но ульсть отбитахть теест оцю Уронь тиезь.

Испанский оборонань министрствать июль 16-це шинь сообщенианц коряс, июль 15-це шистонза 15 частт 20 минутт республиканский самолетне бомбардировали мятежникинень войскактнень, конат пуромсть Бодилья дель Монте и вири, кона ащи тя веленять эзда север шири.

17 частт 55 минутт 32 республиканский истребительхт, конат прважась бомбардировщикт уше-

дсть тюремь Мадридть вельксса мятежникинень самолеттнень марта. Бойса прафтф кота фашистский самолетт „Фиат“. Республиканецне юмафтсть фкя самолетт.

18 частста 15 минутт республиканский авиациясь бомбардировал Вильяфранко дель Кастильоса ащи мятежникинень.

19 частт 35 минутт вете республиканский самолетт—бомбардировщикт тисть атака Талаверать эзда запад шире ащи аэродромть лангс. Сяка пингть республиканский кафта иля бомбардировщикт бомбардировандасть Арандо де Дуэро аэродромть и машинакинень вокзалть, коса ульсть мятежникинень войска марта поездт.

Вильяфранко дель Кастильот районса (Мадридть эзда север—западса) июль 16-це шистонза республиканецне тисть прорыв тя фронтть пачка и кружась веленять. Мятежникинень оцю юмафксна. Университетский городокса республиканецне путсть мина и сяезь медицинский институтть инголе мятежникинень укрепленияснон. Тяс мятежникине юмафтсть шавфста и ранендафста 500 лама ломань.

### Арогонский фронтс

Испанский оборонань министрствать июль 16-це шинь сообщенианц коряс (республиканский войскактне кирьнесазь позициятнень, конатнень синь заньцезь июль 5-це и 6-це шинь сражениятнень пингста. Противникть действиянза направлениан Альбарассинть укрепленияснон сяземаснонды. Республиканецне занясть од позицият, конат ащихть Сарагасать эзда 17-километр вастса.

### Севернай фронтс

Мятежникинень крейсера „Альмираганто Серверас“ и аф оцю вооруженнай судат нинге станяк мольфинхть пиратский действия Сантандерть портоноц маласа. Альмиранте серверас обстрелял английский торговый судавть, кона мольсь портть шири, и заставазе сонь лисемя территориальной ведьтнень эзда.

### Астурийский фронтс

Испанский оборонань министрствать сводканц коряс, республиканский войскактне занязь Самиедо пандть перевалони кафцьке ширензон. Мятежникине безуспешнайста бомбардировали республиканецнень укрепленной позицияснон.

Гавас агенствас пачфни, што Испанский оборонань министрствать афициальной даннаензон коряс, пленнаен лувкссь, конатнень фатязь республиканецне мадридский фронтса мекедьдень наступлениятнень пингста, пачкедькшни 2-шка тьожань, конатнень откса улихть офицерхт.

## Сьоронь урядаматии анокт


„Валда ян“ колхозсь цебарьста и эсь пингстонза аноклазень сьоронь урядама инвентарьть (жнейкатнень, лобогрейкатнень, врандаснень). Алашатнень кадозь ваймама.

Колхозникине учихть пара мяльса сьоронь урядамат и

корхтайхть, што сьоронь урядамста карматама работама ударнайста, честнайста и добросовестнайста аф кадтама паксав фкявек сьоронь пряня.

Козеев.

Ковылкинань р-н



Республиканский армиянь боецень группась автомашинать ваксса фронтть ингеле, линияти тумда ингеля.

Союзфото.

## Анатолий Гавердовскийсь

Анатолий Александрович Гавердовскийсь производстваса работой кода ни 35 кизот, работама сон ушедсь 15 кизоса машина ки лангса ремонтнай рабочайкс.

Сяда меле Анатолий Александровичсь работась кочегаркс, машинистонь полафтыкс и пассажирский поездса машинистокс.

1916 кизоня Гавердовский ялгась машина кинь рабочайхнень йоткса вяти революционной агитация. Курокста сонь арестовандазь и панезь Сибири. Великий пролетарский социалистический революциясь сязезень вражеский цепнень и нолдазень сембе политкаторжантнень.

Анатолийсь тага паровозса. Сон вяти оцю революционной работа машина кинь рабочайхнень йоткса. Сонь руководстванц вельде 1917-це кизоня машина кинь рабочайхне организовандакшнихть революционной отряд, нолнесазь откозс бело-бандитский поездтнень и стак тов.

1918-це кизоня Сызрань ошса Гавердовский ялгась эсь мужеством и находчивостенц марта чис-

тендазе бронепоезда Якстерь Армияти кить белобандитнень эзда. Анатолийть вельде Якстерь Армиянь частьне зянязь Зубовка станциять.

Тяни Гавердовский ялгась работай Зубово-Полянень станциянь машина кить лангса. Работай машинистокс. Аф ваномок сянь лангс, што Гавердовский ялгати топодьсь 60 кизот, сон производственной норманзон пашкодкшнесне 200—250 процентс.

Стахановский методонь работанц ингса сон сьормадф ВКП(б) нь 17-це с'ездть лемс почетнай спискати.

Лама кизонь цебарь работанц ингса Ленинский машинакинень политотделсь макссь ходатайства СССР-нь Центральной Исполнительной Комитетти, коса политотделсь зняльди каземс Гавердовский ялгати высшай награда—орденца.

Конаков

Зубово-Полянень р-н

## КАВЫЛКИНАНЬ ФУТБОЛЬНАИ КОМАНДАТЬ САТФКСОНЗА

Кавылкинань районса футбольнай командась няфни аф кальдяв результатт. Пцтай эрь футбольнай встречахс севондсьазь васеньце вастть. Аф кунара ульсь футбольнай встреча Куйбышевский областень, Наровчатский районнай командать марта, налкомась аделавсь 4:0 Ковылкинань командать пользас. Рыбкинань командать марта налкомась оделавсь 11:0 Ковылкинань командать пользас, Краснослободский командать марта налкомась аделавсь 2:1 Ковылкинань командать пользас.

Тяни тя командась оцю мяльса учи республиканский футбольнай розыгрыжть. Ули надияма, што и

республиканский розыгрыжса севихть аф кальдяв васта.

Эряви азомс, што командать улихть лама существеннай аф сатфксонза. Васендакига командась аф касы, желающей од ломаньтнень йоткста, од ломаньтне аф тарксевихть физкультурно спортивной эряфти.

Тяда башка районса кальдявста ладяфт волейбольнай, боскедбольнай и лия спортивной налкоматне.

МАССР нь СНК-са физкультурань и спортов тевть колга комитетти эряви шарфтомс мяль волейбольнай, боскедбольнай и лия спортивной налкоматнень работаснон ладямаснон лангс.

К—р.

Ответ. редакторть инкса П. ЕЖОВ.

Уполномоч. главлито № Д—79. Заказ № 2154. Тираж 1249.

г. Саранск типография, Красный Октябрь.